



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

102 Auditor Camerae Apostolicae non habet facultatem pro debito pecuniario interdictum promulgandi, nisi ei specialiter demandetur.

urn:nbn:de:hbz:466:1-10316

adolescentes, & parvuli percipientes rarius sacramenta, minus inflammantur, consolidantur in fide fidelium, tepescit devotio, hæreses pullulant, & multiplicatur periculum animarum: præsentis constitutionis providemus edicto; ut Provincia, civitas, castrum, villa, locus, territorium, vel districtus, auctoritate ordinaria, vel delegata, pro pecuniario debito, vel pro cujusvis moneræ, vel pecuniæ quantitate interdicto ecclesiastico supponi minimè possint, & paulò post, si secus, irritum esse, & inane, & revocandum decernimus. Non obstante quibuscunque contractibus, obligationibus, pactis, conventionibus, compositionibus, submissionibus, fideiussionibus, consensibus, processibus, & sententijs desuper habitis vel habendis, juramentorum, pœnarum spiritualium, & temporalium, seu mulctarum, vel quacunque alia firmitate vallatis, nisi talis suppositio fiat de Apostolicæ Sedis licentia speciali, & expressa, per ipsius Sedis patentes litteras apparente, ut in constit. Bonif. VIII. de qua in Bull. Rom. cap. 1. pag. 35. quam Clemens Papa VIII. anno 1593 kal. Junij innovavit, illamque inviolabiliter observari decrevit, & mandavit, non obstantibus constitutionibus, & ordinationibus Apostolicis, ac obligationibus in forma Cameræ, ut in constit. ejusdem Clementis in eod. Bull. cap. 35. pag. 339.

99 Ideò ¶ animadvertere debent iudices ecclesiastici, ne cujusvis obligationis, etiam in formæ Cameræ Apostolicæ vigore, pro debito pecuniario Provincias, civitates, castra, villas, loca, territoria, vel districtus interdicto ecclesiastico

supponant, quia essent causa omnium malorum, quæ Bonifacius VIII. & Clemens VIII. Pontifices supra evitari voluerunt. Et præsertim, quòd quamplura suffragia mortuis tollerentur.

Sunt autem animæ cunctis, & rebus, & corporibus pretiosiores, cap. cum infirmitas, in fin. de pœnit. & remiss.

Unde, cum eorundem iudicum auctoritate fiat, ut interdicti tempore defunctorum animæ hujusmodi debitis suffragijs careant, ¶ tenerentur iudices ipsi ad restitutionem ex deducis per Grass. in decis. aur. par. 1. lib. 2. cap. 45. nu. 19.

101 Nec ¶ dicatur, quòd contraria consuetudine dictæ constitutiones fuerint sublata: quia acta, quæ fiunt contra leges, sunt nulla, cap. in nomine Domini, & ibi Felyn. in princip. de testibus, cap. videntes, & ibi gloss. 10. distinct. & Bacc. in l. non dubium, nu. 2. & 3. C. de leg. & quòd nullum est non habetur in consideratione, cap. non præstat, & ibi gloss. de reg. juris in 6. Licet enim Auditor Cameræ solus, vigore obligationum Cameralium, facultatem habet censuras Ecclesiasticas promulgandi, ut in facultatibus, de quibus in Bull. Sixti Papæ Quinti, cap. 28 pag. 153. §. præterea.

102 ¶ Nullam tamen habet specialem contra Provincias, communicatas, & Universitates interdicta promulgandi, prout requiritur ex forma dictarum constitutionum, ibi, nisi talis suppositio fiat de Apostolicæ Sedis licentia speciali, & expressa per ipsius Sedis patentes litteras apparente, quæ verba specialem formam important, & dictæ constitutiones habent decretum irritans, ibi &, si secus fiat, irritum, &c. quòd decretum omnia

in contrarium gesta annullat ipso jure, ut in capitulo: si eotempore, de elect. in 6. cum alijs pluries alibi allegatis, & non admittit consuetudinem in contrarium.

DE IRREGVLARITATE.

Cap. IX.

S V M M A R I V M.

- 1 Irregularitas non est censura.
- 2 Irregularitas quid sit.
- 3 Irregularitas in quinque species dividitur.
- 4 Irregularitas non incurritur, nisi in casibus in jure expressis.
- 5 Irregulares sunt bigami, ex defectu sacramenti.
- 6 Bigamia est impedimentum ordinum ob quatuor.
- 7 Irregularis pluribus modis quis efficitur.
- 8 Irregularitatem inducit quilibet defectus corporis, quo sine notabili horrore quis celebrare non potest.
- 9 Irregularitatem non inducit modica deformitas.
- 10 Deformitas, & defectus corporis, an inducant irregularitatem, arbitrium Episcopi debet judicare.
- 11 Irregularitatem inducit natalium defectus, etiam occultus.
- 12 Matri adultera, filius in sui præjudicium credere non tenetur.
- 13 Illegitimi, ut plurimum, paterna incontinentia imitatores, & male morigerati esse solent.
- 14 Illegitimi per subsequens matrimonium excepta Cardinalatus dignitate, ad omnia habilitantur.
- 15 Irregularitatem inducit anima defectus.
- 16 Irregularis est penitus illiteratus, & inhabilis, etiam ad primam tonsuram.
- 17 Irregularitas incurritur, ex defectu perfecta lenitatis.
- 18 Ordines omnes referuntur ad Euchariſtia sacramentum.
- 19 Sacerdos homicida, magis representat interfectores Christi, quam ipsum Christum.
- 20 Irregularitas incurritur, tam ob membri incisionem, quam per homicidium.
- 21 Inutile esse, & non esse, paria videntur.
- 22 Similium idem judicium est habendum.
- 23 Paria sunt ecclesiam Prælatum, uxorem virum, & patrem filium non habere, seu illum habere inutilem.
- 24 Irregularitatem regulariter debilitas membri non inducit.
- 25 Interpretatio in penis strictior est facienda.
- 26 Irregularitas contrahitur per quodcumque homicidium, & cujuscumque per-